

«Бекітемін»
«Армантай» бөбекжай
бақшасының меңгерушісі
Л.Р.Усебова



Тілім-менің тірегім



Тәрбиеші: Юнусметова Ш.

Шымкент 2021 ж

Тілім менің тірегім

Мақсаты: Балаларды елге,тілге деген сүйіспеншілігін, сыйластық сезімін сақтап,мемлекеттік рәміздердің бірі ретінде құрметпен қарауға тәрбиелеу.Өз ана тілін жоғары ұстауға баулу.

Топ іші жарық,мерекеге сай безендірілген.

Сәлемдесу рәсімі

Білер қазақ баласы,

Сәлем сөздің анасы.

Алдымыздан кезіккен

Көп танысты көреміз.

Бәрінеде ізетпен

Біздер сәлем береміз.

Сәлеметсізбе ағай деп,

Сәлеметсізбе,анай деп,

Есенсізбе,әжей деп,

Амансызба, атай деп

Біздер сәлем береміз,

Өнегелі өренбіз.

Балалар бірге: Сәлеметсіздер ме!

Жүргізуші: Ең алғашқы бақытым- тілім менің,

Тас жүректі тіліммен тілімдедім.

Дүниеден кейде мен түңілсем де,

Қасиетті тілімнен түңілмедім.

Жүргізуші: Ендеше,балалар, барлығымыз орнымыздан тұрып, мемлекеттік әнұранды орындаймыз.

Хор: Әнұран

Слайд:Қазақстан мемлекеті жайлы слайд көрсету.

1.Елбасымыз кім?

2. Еліміздің бас қаласы қай қала?

3.Еліміздің қандай рәміздерін білесіңдер?

4.Біз қай ұлтпыз?

5.Біз қай тілде сөйлейміз?

6. Біздің елде тағы басқа қандай ұлттар бар?

7. Тіл мерекесі жылдың қай мезгілінде атап өтіледі?

Жүргізуші: Ендеше,осы мерекеге арналған тақпақтарымызға кезек берейік

Мирас: Ана тілің – арың бұл

Ұятың боп тұр бетте

Өзге тілдің бәрін біл
Өз тілінді құрметте

Гулим: Ақыл - ойын дананың
Ана тілден аламын.
Ана тілім ардақты
Ақ сүтіндей анамның

Айша Өсірген ой білімді,
Сүйем туған тілімді
Мақсат етем әр сөздің
Мәнін терең білуді.

Сулейман: Әркім тілін сүйеді
Қадірлейміз мұны біз
Қазақ тілін киелі
Мемлекеттік тіліміз.

Амина: Ақ сүтінен жаралған
Ақ сүтінен нәр алған
Анаға бас иеміз
Туған елдің тілі деп,
Туған жердің үні деп
Ана тілін сүйеміз!

Жүргізуші: Біздің балаларымыз тіл туралы мақалдар да біледі екен. Қане кім айтады?

Алихан: Өнер алды – қызыл тіл

Рамзан: Тіл жүйріктен де озады.

Нұртөре: Сөз тапқанға қолқа жоқ.

*Сулейман: Бас кеспек болса да,
Тіл кеспек жоқ.*

*Даниял: Көп сөз – көмір,
Аз сөз – алтын.*

Медина: Ана тілін біліп қой
Еркіндігің теңдігің
Ана тілін біліп қой
Мақтанышың елдігің.

Алихан: Әркім тілін сүйеді
Қадірлейміз мұны біз
Қазақ тілін киелі
Мемлекеттік тіліміз.

Женіс: Мейірімі мол балаға

Бар әлемде анаға
Басымызды иеміз
Бабамыздың тілі деп,
Даламыздың үні деп
Ана тілін сүйеміз.

Нурасыл: Сыйласаң өз ұлтыңды,
Құрметтесең тіліңді
Ұнатсаң дәстүр салтыңды
Ұмытпайсың тілімді.

Тәрбиеші: – Балалар біз қай елде тұрамыз?
– Қай тілде сөйлейміз?

Біздің ұлттық тіліміз қазақ тілі екенін түсіну.

Ана тілін дамыту, қорғау дегеніміз – өз ана тілінде таза сөйлеу және оны жақсы біліп, туған анадай сүйу.

Сүйемін туған тілді – анам тілін,

Бесікте жатқанымда-ақ берген білім.

Шыр етіп жерге түскен минутымнан,

Құлағыма сіңірген таныс үнін, - деп С.Торайғыров ағамыз жырлап өткен.

Абдуллах: Мәртебесі тілімнің,
Биік болсын халайық.

Достарымыз жасарып

Қосылып ән салайық

Айсана Тәуелсіз Қазақстанның

Бал тілді бүлдіршінімін.

Мерекесін тілімнің,

Тойлаушының бірімін.

З.Дидар:Мемлекеттік тіліңді,

Тойларсында, ойларсың.

Алтыннан қымбат бағасын

Тереңірек бойларсың

Тілім менің ,күйім менің

Тұтастығым елдігім үйім менің

Ел қорғаған ерлерге рух берген.

Осы тілді толғайды биім менің.

Хор: «Әрқашан күн сөнбесін!»

Жүргізуші: Туған тілім тірлігімнің айғағы

Тілім барда айтылар сыр ойдағы

Өссе тілім,менде бірге өсемін

Өшсе тілім,менде бірге өшемін.

Осымен «Тілім менің тірегім» атты кеңейтілген оқу қызметіміз аяқталды.Уақыттарыңызды бөліп, тамашалағандарыңызға көп рахмет.





